

99. 目眩

目之瞳仁,视脑气盈虚为出入。脑气以精血两竭而虚,故目眩(此与痰饮之眩、少阳病之眩不同)。此与历节之头眩同。精神恍惚,开目则诸物旋转,闭目则略定。世传防眩汤,间有特效。录之以救急之助。方用:

党参三钱	半夏三钱	当归三钱
白芍三钱	熟地一两	白术一两
川芎五钱	山萸五钱	天麻三钱
陈皮一钱		

轻者四五剂,可以永久不发。予早年病此,嘉定秦芍舛师曾用之,唯多川芎三钱耳,至今三十年无此病,皆芍师之赐也。

【按】《金匱》曰：“夫失精家，少腹弦急，阴头寒，目眩，发落，脉极虚芤迟，为清谷，亡血失精，脉得诸芤动微紧，男子失精，女子梦交。桂枝龙骨牡蛎汤主之。”此目眩属精血两虚。

100. 神志恍惚

姜佐景按：友人施君，崇明人也，服务上海电报局。甲戌孟秋某晚，匆匆邀诊乃弟病。入其室，见病者仰卧榻上。叩其所苦，绝不相应。余心异之，私谓施君曰：乃弟病久耳聋，无所闻乎，抑舌蹇不能言乎？则皆曰：否。余益惊异。按其脉，一手洪大，一手沈细，孰左孰右，今已莫能记忆。因询家人以致病之由曰：渠前任某军电职，因事受惊，遂觉神志恍惚，每客来恒默然相对，客去则歌唱无序，饮食二便悉如常人，唯食时阙上时有热气蒸腾，轻则如出岫朝云，甚则如窑中烟，状颇怪特。前曾将渠送往本市某著名医院诊治，经二十余日，医者终不识其为何病，既无术以疗，故于昨日迁出，请先生一断。余细按其腹，绝不胀满，更不拒按。沉思良久，竟莫洞其癥结。于是遂谢不敏，赧然告辞。越日，施君告余曰：舍弟之病，昨已延曹颖甫先生诊治。服药后，大泄，阙上热气减。余闻